



Kangaatsiaq ull. 11. juli 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartunut ilaasortaq Hans Aronsen , Inuit Ataqatigiit)

Apeqqutit:

- 1. Nunatsinni meerartatta ilikkariartornerat aalajangersimasumik ilisimatusarnikkut malinnaaffigineqarpa?**
- 2. Ilisimatusarnikkut paasisat nutaanerpaat atuarfinni ilinniarfinnilu allani toqqaannartumik atorneqarpat?**
- 3. Professorii Ilinniarfissuup atorfinitsinnikuusaa suleriva?**
- 4. Ukiut kingulliit qulit Nunatta aningaasalersugaanik ph.d-nngortartut qassiuppat, taakkunanngalu qassit kalaallisut oqaaseqartuuppat?**

Tunngavilersuut:

Ukiuni kingulliunerusuni atuarfeqarnermut, meeqqeriveqarnermut, Ilisimatusarfimmut ilinniartitsinernullu allanut tunngatillugu Inatsisartut nutaanik inatsisilioraangata, inatsissallu oqallisiginerini Naalakkersuisuniit ilimasaarutigineqartarpoq Nunatsinni ilisimatusarneq Nunattalu kultura, oqaluttuariisaaneralu tunngavigalugit ilinniartitsinerit ingerlanneqalissasut.

Qulaani apeqqutitigut paaserusuppara tamanna sumut killinnersoq qanorlu ingerlanersoq.

Kissaatigissavara apeqquteqaatit ullut suliffiit qulit qaangiutsinnagit akineqassasut.